

တိတု

တိတုဟို ပေါလုရဲ့ ပေးစာ

နိဒါန်း

တိတုဟို ပေါလုရဲ့ ပေးစာ ဟာ သင်းတော်ဟို လိစာတပ် ဘဲန လူပေါက်ကိုဟို လိစာတပ်ဟူးဘီး ပေါလုဟုနေ ပေးဟူးဟူ ပေးစာလေးစောန်ထဲဟု တစောန်ဖြစ်ဟယ်။ တခြားပေးစာ သောင်းစောန်ဟု ၁ တိမောသေ၊ ၂ တိမောသေ၊ တိတုန ဖိလေမုန်ဖြစ်ဟယ်။ ပေါလုဟာ တိတုနားဟို ရေးနေဘေမဲ့လည်း လူလေဘောင်ဂီးဟို သံကုလယ်ဂီးန စာဖတ်ပြနေမျိုး ရေးဟူးလေဟယ်။ သူဟု တမန်တော် တယော့-က်ရဲ့ ရည်ချင်းလေဟို ရှင်းပြဟူးဟူ ကြောန့် အယ်မူဇာဟို ကျွန်တော့်ဟူးလေ သံရဘီး တချို့ဇာလေဟို တိတုဟု သိဟူးဘီးဇာလေ ဖြစ်ဟယ်။ ပေါလုဟာ အယ်ပေးစာဟို ခရစ်တော် မွီးဘီးန ၆၃-၆၅ ခုနှစ်လော့-က်မာ ရေးဟူးဇာ ဖြစ်နိုင်လေဟယ်။

ပေါလုဟာ တိတုဟို ကရာတေကျွန်းမာရှိဟူ သင်းတော်လေဟို ဦးဆောန်ဟိုတွပ် ညွှန်ကြားဟူးဟယ်။ ပေါလုဟု သင်းတော်ခေါင်းဆောင်းလေဟို ဝီးကော့-က်ဘီးလေ့ကျင့်ပေးဟိုတွပ်န တိတုဟို ညွှန်ကြားဟိုတွပ် အယ်ပေးစာဟို ရေးဟူးဟယ်။ သူဟာ တိမောသေရဲ့ ပေးစာထဲ

ဟု တူညီဟူ ညွှန်ကြားချစ်လေဟို့ ပေးဟူးဟယ်။ သင်း
တော် ခေါင်းဆောင်လေဟာ ဖယ်မျိုးမြင့်မားဟူ စံခီရှိရ
မယ် ဆိုဇာဟို့ သူပေးစာဟု ဖော်ပြဟူးဟယ်။ အယ်နေ
ခေတ် သင်းတော်လေန သင်းတော် ခေါင်းဆောင်လေဟာ
ခေါင်းဆောင်မှု စံနှုန်းလေဟို့ လေးလေးနက်နက်ဟူး ဂရု
စိုက်ဟို့ လိုအပ်ဟယ်။

ကြောင်းရာ ကျဉ်းချောက်

၁။ ပေါလုဟာ တိတုဟို့ ခေါင်းဆောင်လေ ခန့်အပ်ဟို့
တွပ် ညွှန်ကြားဟူးဟူကြောင်း (၁.၁-၁၆)

၂။ သူဟု ဘုရားနှစ်သက်ဟူ သတ်ရှင်မှု ပေါင်စံနု သတ်
ရှင်ဟို့တွပ် လူလေဟို့ လေ့ကျင်ပေးဟို့လည်း ညွှန်
ကြားဟူးဟူကြောင်း (၂.၁-၃.၁၁)

၃။ နှော-က်ဆောင်းမာ ပေါလုဟာ သူ့ရဲ့ စီစဉ်တချို့ဟို့
ဝီမျှဘီးဟာ နှော-က်ဆစ်စကား ပြောဇာအားဖြင့် နိ
ဂေါင်းချောက်ဟူးဟူကြောင်း (၃.၁၂-၁၅)

¹ ဘုရားသခင်ရဲ့ စေခံဖြစ်ဟူ၊ ယေရှုခရစ်တော်ရဲ့
တမန်တော်ဖြစ်ဟူ ငါပေါလုဟာ စာရေးလိုက်ဟယ်။

ဘုရားသခင် ဝီး ကော့-က် ဟူး ဟူ လူမျိုး လေ
ရဲ့ ယောင် ကြည် ရှင်း ဟို့ ကူ ညီ ဟို့တွပ် နို့လေ ရဲ့
ဘာသာတရားမာ သွန်သန်ဟူ သမ္မာတရားကြောင်းဟို့
အယ်လူလေဟာ ဘောပေါ့-က်ဘီး နားလည်းနိုင်ဟို့တွပ်
ငါ့ဟို့ ဝီးကော့-က်ဘီးဟာ လွှတ်လိုက်ဟယ်။

² အယ်ဘာသာဟာ ထာဝရသတ်ဟို့ မျှော်လင့်ရှင်းမာ
မိကခြေခံ ဖြစ်ဟယ်။ လီညာရှင်းမဲ့ဘဲဟူ ဘုရားသခင်
ဟာ ရှေးရှေးဒူးဟု နေ့ရစ်ကာလလေ ဖြစ်ခန်မာ ထာဝရ
သတ်ဟို့ နို့လေဟို့ပေးဟို့တွပ် ဒီပေးဟူးဟယ်။

³ အယ်ဘီးန ခိကုလလာဟူ ခီမာ အယ်ထာဝရသတ်
ဟို့ တရားတော်အားဖြင့် ထန်ရှားစေဟယ်။ နို့လေရဲ့ ကယ်
တန်ရှင် ဘုရားသခင်ဟာ နို့လေဟို့ ယောင်ကြည်ဟူကြော
န့် အယ်မူတရားဟို့ အပ်ပေးဘီးဟာ ငါဟာ ကိုယ်တော်ရဲ့
မိန့်တော်တိုင်း အယ်မူတရားဟို့ ကြေညာဟယ်။

⁴ နို့လေမျိုးဘဲ ယောင်ကြည်ရှင်းအားဖြင့် ငါသား
စစ်စစ်ဖြစ်ဟူ တိတုနားဟို့ အယ်စာဟို့ငါရေးဘီး ပေး
လိုက်ဟယ်။

နို့လေရဲ့ ဖဖြစ်ဟူ ဘုရားသခင်န နို့လေဟို့ ကယ်တ
န်ဟူသခင် ယေရှုခရစ်တော်ဟာ နန်းနို့လေဟို့ ကျေးဇူး
တော်န ငြိသတ်ရှင်းလေ ပေးသနားပါစေ။

ကရေတေကျွန်းမာ တိတု မှုတော်ဆောန်ကြောန်း

⁵ ကရေတေကျွန်းမာ လောက်ဇာရီဟူ မှုကိစလေဟို့
လောက်ဆောန်ဟို့တွပ်န မြို့လေမာ သင်းအောက်လေဟို့
ခန့်ဟူးဟို့တွပ် နန့်ဟို့ ငါ ထားရစ်ဟယ်။ ငါခုပေးဟူ ညွန်
ကြားချစ်လေဟို့ မေ့န။

6 သင်းတော်လူဂီးဟာ ပြစ်တန်ခွမ်မော့ဘဲဟူလူ ဖြစ်ရမယ်။ အယ်လူဟာ မယားယော့-က်ဘဲ ရှိရမယ်။* သူ့ရဲ့ သားလေမီးလေဟာ ယောင်ကြည်သူဖြစ်ရမယ်။ ပျော်ပါးလေလွန်ကျူးဘီး စကားနားထောန်ဘဲဟူလူ ဖြစ်ဟို့ရဟဲ့။

7 သင်းတော်ဟို့ ဦးဆောန်ဟူ သင်းတော်လူဂီးဟာ ဘုရားသခင်ရဲ့ မူတော်ဟို့ တာဝန်ယူဘီးလောက်ဟူလူ ဖြစ်ဟူကြောန် ဘဏ္ဍာထီးမျိုးဘဲ ပြစ်တန်ခွမ်မော့ဘဲဟူလူ ဖြစ်ရမယ်။ မာနကီးဟူသူ၊ စိတိုဟူသူ၊ ယစ်သော့-က်ဟူသူ၊ စိကြမ်းဟူသူ၊ ကပ်ဟို့ ရရာတိုင်း လိုရှင်ဟူသူလည်း ဖြစ်ဟို့ရဟဲ့။

8 ဧည့်ဝတ်ကျေဟူသူ၊ ကောန်းဟူဇာလေဟို့ ကြိုက်ဟူလူ ဖြစ်ရမယ်။ သူဟာ ကိုယ့်ကိုယ်ကိုယ် ထီးချောက်နိုင်ရမယ်၊ ပြောန့်မတ်ရမယ်၊ သန်ရှင်းဟူသူ၊ ဘုရားတရားဟို့ ရိုသေဟူလူ ဖြစ်ရမယ်။ စည်းကမ်းရှိရမယ်။

9 သူဟာ မှန်ကန်ဟူယူဝါဒဟို့ စွဲစွဲမြဲမြဲဟား ယောင်ကြည်ရမယ်၊ အယ်မျိုးနည်းနဘဲ သူဟာ စစ်မှန်ဟူ တရားဟို့ အားပေး တိုက်တွန်းနိုင်လေ့မယ်။ စစ်မှန်ဟူ တရားဟို့ တိုက်ခိုက်ဟူ လူလေရဲ့မှားဟို့ ထော့-က်ပြနိုင်လေ့မယ်။

10 အယ်မူတရားဟို့ ဆန့်ကျင်ဘီး ကျိုးမော့ဘဲဟူ စကားလေန လှည့်ဇားဟူလူလေ ဘောင်ဂီးရှိဟယ်။ ထူးသဖြင့် ရေဖျားလှီးဟားဟူ လူလေထဲဟုနေ ခရစ်ယာန် ဘာသာထဲဟို့ ပုလောန်းလဲလာဟူ လူလေထဲမာ ရှိဟယ်။

1:6 ၁.၆-၉ ၁ တိ ၃.၂-၇ * 1:6 ၁.၆ မယားယော့-က်ဘဲ ရှိရမယ်၊ အယ်မျိုးမူဘဲနေဟာ တခါဘဲ လတ်ထပ်ဟားဟယ်။

11 အယ်လူလေရဲ့ ဇပ်ပေါ့-က်လေဟို့ ပိရမယ်။ ဖြား
ဖြစ်ကြောန့်နူးဆိုဟာ သူးနို့ဟာ စင်ကြယ်ဘဲဟူ စီးပွားလေ
ဟို့ တတ်မတ်ဟူ ရည်ရွယ်ချစ်ကြောန့် ဟောပြောသင့်ဘဲ
ဟူ ဇာလေဟို့ သွန်သန်ဘီးဟာ အီထောန်ရေးလေဟို့ ပြို
ကွဲအောန် လောက်ဟူကြောန့် ဖြစ်ဟယ်။

12 သူးနို့ရဲ့ ပရောဖက်ဖြစ်ဟူ ကရေတေ ကျွန်းသား တ
ယော့-က်ဟာ “ကရေတေ ကျွန်းသားလေဟာ မြဲဒမ်းလီညာ
ဟူသူလေ၊ သားရဲဆိုးလေ၊ ရရာတိုင်း ပျင်းဘီးဟာ စားကီး
ဟယ်” ဆိုဘီး ပြောရစ်ဟယ်။

13 အယ်လူပြောဇာဟာ ရရာတိုင်း မှန်ဟယ်။ အယ်ကြော
န့် သူးနို့ဟာ တကယ် ယောင်ကြည်လာဟို့တွပ်ရော၊

14 ယုဒဘာသာရဲ့ ဒဏ္ဍာရီစကားလေန သမ္မာတရားဟို့
ပယ်ဘီး သူးနို့ရဲ့ ပညတ်ဟို့ စွန်ပစ်ဂေဟို့တွပ်ရော၊ သူးနို့
လေဟို့ သေးသေးချားချာဟာ ဆောင်းမရမယ်။

15 ကိုယ့်ကိုယ်ကိုယ် စိန်လောင်း သန်ရှင်းစင်ကြယ်ဟူ
လူလေတွပ်ဟူ ဂူလောင်းဟာ သန်ရှင်းဟယ်။ အယ်ဘေမဲ့
ကိုယ့်ကိုယ်ကိုယ် စင်ကြယ်ဟာ ဆိုဟာ ယောင်ကြည်မှုမေ့
ဘဲဟူ သူလေတွပ်ဟာ ဖြားဇာလည်း စင်ကြယ်သန်ရှင်းဟ
ယ် ဆိုဇာ မေ့ဟူ။ ဖြားဖြစ်ကြောန့်နူးဆိုဟာ အယ်လူလေ
ရဲ့ စိန်လောင်းန သိစိဟာ ညစ်ညူးနေဟူကြောန့် ဖြစ်ဟ
ယ်။

16 သူးနို့ဟာ ဘုရားသခင်ဟို့ သိဟယ် ဆိုဘီး ဝန်ခံဘေ
မဲ့လည်း သူးနို့ရဲ့ ကျင့်လေဟာ ထော့-က်ခံဟူ။ သူးနို့လေ

ဟာ မူးအကောန်းဟူလူ၊ နားထောန်းဘဲဟူလူ၊ ကောန်းဟူ
 အလေဟို့ ခုလည်းလောက်ဟို့ ထိုက်ဘဲဟူလူလေ ဖြစ်ဂေ
 ဟယ်။

2

စင်ကြယ်ဟူ ယူဝါဒကြောင်း

¹ နန်းနို့ဟာ စင်ကြယ်ဟူယူဝါဒန ကိုက်ညီရှင်းလေဟို့
 ဟောပြောရမယ်။

² သတ်ကီးဟူ ယော့-က်ကျားလေဟာ သမ္မာဒိရှိဟူလူ၊
 တည်ကြည်ဘီးဟာ သိခါစောန်ဟူလူ၊ စစ်မှန်ဟူ ယောင်
 ကြည်ရှင်းလေ၊ ရှစ်ရှင်းလေ၊ ခံနိုင်ရည်ရှိဟူလူလေ ဖြစ်ဟို့
 တွပ် သွန်သန်ရမယ်။

³ အယ်မျိုးဘဲ သတ်ကီးဟူ မီးမဂီးလေဟာ ဘုရားတ
 ရားဟို့ ကြည်ညိုဟူ လူလေဖြစ်ဟို့တွပ် သွန်သန်ပါ။ သူး
 နို့ဟာ တခြားလူလေရဲ့ အသရေဖျစ်ဟူ လူလေန ယစ်ရဲ့
 ကျေးကျွန်ဖြစ်စေန။ ကောန်းဟူ အလေဟို့ သန်ပေးဟူ လူ
 လေ ဖြစ်ရမယ်။

⁴ အယ်မျိုးဖြစ်မှ သူးနို့ဟာ ကိုယ့်ထတ် သတ်ငယ်ဟူ မီး
 မလေဟာ ကိုယ့်ယော့-က်ကျားန သားမီးလေဟို့ ရှစ်ဘီး
 ဟာ၊

⁵ ဂေါင်သိခါ စောန်ဟူသူ၊ စင်ကြယ်ဟူသူ၊ ကိုယ့်အီ
 ဟို့ ပြုစုဟူသူ၊ ကောန်းဟူသူ၊ ကိုယ့်ယော့-က်ကျားရဲ့ စ
 ကားဟို့ နားထောန်ဟူသူ ဖြစ်ဟို့တွပ် သတ်ကီးဟူ မီးမဂီး

လေဟု သန်ပေးရမယ်။ အယ်မျိုးဆိုဟာ ဘုရားသခင်ရဲ့ တရားတော်ကို ကဲ့ရဲ့ဘီး ပြောနေဟူလူလေ မှော့ဟို့မှဘီ။

⁶ အယ်မျိုးဘွဲ့ ကောန်သား ယော့-က်ကျားလေဟုလည်း ဂေါင်သိခါလေဟို့ ထီးနိုင်ဟို့တွပ် တိုက်တွန်းဂေ့ပါ။

⁷ နေရာတိုင်းမှာ နန်းနို့ကိုယ်တိုင် ပေါင်သတ်သေဟို့ ပြ ဂေ့ပါ။ ဆောင်းမသွန်သန်ဟူ ခီမာ သေးသေချားချာဟွား သန်ပေးပါ။

⁸ နန်းနို့ ရန်သူလေဟု နန်းနို့လေဟို့ ဖယ်မှုမာလည်း ပြစ် ရှာနိုင်ဘဲန ရှစ်ကွဲဘဲနေအောက် တခြားလူလေရဲ့ရှေ့မှာ ပြစ် တန် ဝေဖန်နိုင်ဘဲနေအောက် ကောင်းဟူ စကားလေဟို့ ပြော ဂေ့ပါ။

⁹ ကျွန်လေဟာ သူ့သခင်လေရဲ့ စကားဟို့ နားထောက်ရ မယ်။ နေရာတိုင်းမှာ သခင်ကြိုက်အောက် လောက်ရမယ်။

¹⁰ သူများပစ်စီးဟို့ ခိုးဘဲန သူးနို့ဟာ မြဲဒမ်းကောင်း ဘီး သစ်စာရှိဟူလူ ဖြစ်ရမယ်။ အယ်နည်းနဘွဲ့ သူးနို့ ဟာ ကိုယ်လောက်ဟူ မူလေထဲမှာ နို့လေရဲ့ ကယ်တန်ရှင် ဘုရားသခင်ရဲ့ တရားတော်ဟို့ ပိုဘီး ဟာ ထန်ရှားစေလေ့ မယ်။

¹¹ ဘုရားသခင်ဟာ လူလေဂူလောင်းဟို့ ကယ်တန်ဟူ သူရဲ့ ကျေးဇူးတော်ဟို့ ထန်ရှားစေဟယ်။

¹² နို့လေဟာ ဘုရားတရားမွေ့ဘဲန လောက တတ်မတ် ရှင်းလေဟို့ ဖယ်ရှားဘီး အယ်လောကမှာ ဘုရားဝတ်နှိုက် ပျော်မွေ့ရှင်း၊ တင့်တယ်လျောက်ပတ်ရှင်း၊ ဖြောင့်ဖြောင့်နို့

မတ်မတ် သတ်ရှင်ရှင်းန

13 ကီးမြတ်ဟူ ဘုရားသခင်ဖြစ်ဟူ နို့လေရဲ့ ကယ်တန်ရှင် ယေရှုခရစ်တော်ရဲ့ ဖောင်းသရေတော် ပေါ်လာရှင်းအားဖြင့် မင်္ဂလာရှိဟူ မျှော်လင့်ရှင်းဟို့ စောင့်နေဘီးဟာ ဆောင်းမသွန်သန်ဘီး ရှိနေဟယ်။

14 နို့လေဟို့ ဆိုးညစ်ရှင်းလေ ဂူလောင်းထဲဟုနေဘီး လွတ်မြော-က်ဟို့တွပ်န နို့လေဟာ စိန်လောင်းဖြူစင်သန်ရှင်းဘီး ကိုယ်တော်ဘဲ ပိုင်ဆိုင်ဟူ လူဖြစ်ဘီး ကောင်းဟူ ကျင့်လေမာ စိအားထတ်သန်ဂေဟို့တွပ် ခရစ်တော်ဟာ နို့လေတွပ် သူ့ကိုယ်သူ စွန့်လိုက်ဟယ်။

15 နန်ဟာ အယ်ကြောင်းရာလေဟို့ ဟောပြောသွန်သန်ပါ။ တိုက်တွန်းအားပေးဘီး သွန်သန်ဟူ ခီမာ နန်မာရှိဟူ ခွမ့်အာဏာလေဟို့ သောင်းပြုပါ။ နန်ဟို့ ဖယ်သူလည်း ထန်သေးစေန။

3

ခရစ်ယာန်လေ ဖယ်မျိုး သတ်ရှင်ရဟူကြောင်း

1 တိုင်းပြည်ဟို့ အောက်ချောက်ဟူ လူလေန အာဏာပိုင်လေရဲ့ အောက်စိုးရှင်းလေဟို့ ဝန်ခံဘီး သူးနို့စကားဟို့ နားထောန်ဂေဟို့တွပ်ရော၊ ကောင်းမြတ်ရှင်းကိစ မှန်မျှဟို့ လောက်ဟို့တွပ် ဆင်သင့်ဖြစ်နေဟို့တွပ်ရော၊ ယောင်ကြည်သူလေဟို့ ဒီပေးပါ။

၂ ဖယ်သူကြောန်းဟို့လည်း ကောန်းဘဲဟူဇာဟို့ ပြောဘဲ
န အေးအေးချမ်းချမ်းဟား နေထိုင်ဂေဟို့တွပ်န ခိတိုင်းမာ
လူလေဟို့ နူးညံ့သိမ်မွေ့ဘီး ဆစ်ဆံဂေဟို့တွပ် သူးနို့လေ
ဟို့ ပြောပါ။

၃ တခါဒူးဟု နို့လေဟာ နာခံဘဲန မိုက်မဲဘီးဟာ လမ်းမှား
ဘီး နေ ဟု ယ်။ ကာမ ဂေါင်ဘောန်းဇေင်န ပျော်ပါး
လိုက်စားရှင်းလေထဲမာ ကျွန်ဖြစ်လာဟုယ်။ နို့လေမာ မြဲ
ဒမ်းဘဲ နာလိုဘဲဟူစိ၊ မူးနေဟူ သဘောလေလည်း ရှိဂေ
ဟုယ်။ တခြားသူလေဟာ နို့လေဟို့ မူးဂေဟုယ်။ နို့လေဟု
လည်း သူးနို့ဟို့ မူးဂေဟုယ်။

၄ အယ်ဘေမဲ့ နို့လေရဲ့ ကယ်တန်ရှင် ဘုရားသခင်ရဲ့
ကရုဏာတော်န ရှစ်ရှင်းမြစ်တာတော်ဟာ ထန်ရှားလာဟူ
ခီမာ၊

၅ နို့လေဟာ ကယ်တန်ရှင်းဟို့ ခံရဂေဟုယ်။ အယ်မျိုး
ကယ်တန်ရှင်း ခံရဟူဇာဟု နို့လေရဲ့ ပြောန့်မတ်ဟူ ကျင့်
အားဖြင့်မူဘဲ ကိုယ်တော်ဟာ သူရဲ့ ကရုဏာတော်နညီ
သန်ရှင်းဟူဝိညာဉ်တော်ကြောန့် နို့လေဟို့ နှော-က်တခါ
ပုလန်မွီးဘီးဟာ သစ်ဖြစ်ဟူသက်တာန ဘဝသစ်ဟို့ ပေး
ကြောန့်ဖြစ်ဟုယ်။

၆ ဘုရားသခင်ဟာ နို့လေဟို့ ကယ်တန်ဟူရှင် ယေရှု
ခရစ်တော်ကြောန့် သန်ရှင်းဟူဝိညာဉ်တော်ဟို့ နို့လေထတ်
ဟို့ ကြွယ်ဝစွာ လောင်းဒုလပေးဟုယ်။

၇ အယ်မျိုးလောက်ဇာဟာ နို့လေဟာ ကိုယ်တော်ရဲ့

ကျေးဇူးတော်ကြောင့် ဖြောင့်မတ်ဟူသ် ဆိုဇာဟို့ သိမှတ် ပြုခံရဘီးဟာ ထာဝရသတ်ဟို့ မျှော်လင့်ဘီး မွီခံလဲ ဖြစ် လာဂေရဟူသ်။

⁸ အယ်စကားဟာ သစ်စာစကားဖြစ်ဟူသ်။ ဘုရားသခင်ဟို့ ယောင်ကြည်လူလေဟာ ကောင်းဟူကျင့်၊ လူလေဟို့ ကျိုးပြုဟူကျင့်လေ ရှိနေဂေဟို့တွပ် စစဒူးဟု ပြောဟား ဟူဇာလေဟို့ ဂရုစိုက်ဘီးဟာ နှိုးဆော်တိုက်တွန်းဂေပါ။

⁹ အယ်ဘီးဟာ ကျိုးမွေ့ဘဲနပြောရှင်း၊ ရရာတိုင်းရှည် ဟူ ဆွေမျိုးစာရင်းလေလောက်ရှင်း၊ ရန်ဖြစ်ရှင်း၊ ပညတ် တရားန ပတ်သတ်ဘီးဟာ စကားများရှင်းလေဟို့ ရှောင် ဂေပါ။ အယ်မျိုးလောက်ဇာလေဟာ သောင်းဝမ်ဟူ။ ဖြား ကျိုးလည်း မွေဟူ။

¹⁰ စိဝန်းကွဲရှင်းလေဖြစ်အောန် လောက်ဟူလူဟို့ နဲ ဆောင်း နှော့ခါလော့-က် ဒိပေးဘီးန သူဟို့ ထပ်ဘီးဟာ ပေါင်းဂေန်။

¹¹ အယ်မျိုးလူဟာ ဖော့-က်ပုလန်ဟူလူ ဖြစ်ကြောင်းဟို့ နန်းနို့ဟုသိဟူသ်။ သူပြစ်ရှိကြောင်းဟို့ သူ့ကိုယ်သူ သတ် သေပြဟူသ်။

နော့-က်ဆောင်းပြောဟူကြန်း

¹² အာတေမဟို့ဘဲ ဖြစ်ဖြစ်၊ တုခိတ်ဟို့ဘဲ ဖြစ်ဖြစ် နန်း နို့နားဟို့ လွတ်လိုက်ဟူ ခီမာ ငါရှိနေဟူ နီကောပလိမြို့ဟို့

ကြိုးစားဘီးဟာလာဂေ။ အယ်မြို့မာ ဆောင်းကာလမှာဘဲ
နေဟို့ ငါဆောင်းဖြတ်ဟူးဟယ်။

¹³ ရှေ့နေဖြစ်ဟူဇေန အာပေါလုလေဟာ ခရီးသွားနှိ
င်ဟို့တွပ် ကြိုးစားဘီးဟာ ကူညီပေးပါ။ သူးနှိလေ လိုရှင်
ဇာမုန်မျှဟို့ ကူညီလိုက်ပါ။

¹⁴ စားဝတ်နေရေတွပ် တကယ် လိုအပ်ဇာလေဟို့ ရဟို့
တွပ် နှိလေရဲလူလေဟာ ကောင်းဇာနသတ်မိုးဟို့တွပ် သွန်
သန်ဂေပါ။ ကိုယ့်ရဲလောက်အားဟို့ ချည်းနှီးဖြစ်စေဂေန။

¹⁵ ငါနတူးဒ နေဟူလူလေဟာ နန်ဟို့ နှောက်ဆစ်လိုက်ဟ
ယ်။ ယောင်ကြည်ရှင်းတရားန နှိလေရှစ်ရဟူ မိဆွေလေ
ဟို့ နှောက်ဆစ်လိုက်ဟယ်။

ဘုရားသခင်ရဲ ကျေးဇူးတော်ဟို့ နန်းနှိလူလောင်းဟာ
ခံစားရဂေပါစေ။

ဓမ္မသစ်ကျမ်း ထားဝယ်ဘာသာစကား
The Holy Bible in the Tavoyan language of
Myanmar: ဓမ္မသစ်ကျမ်း ထားဝယ်ဘာသာစကား

copyright © 2024 The Word for the World International

Language: (Tavoyan)

Contributor: The Word for the World International

ထားဝယ် ဓမ္မသစ်ကျမ်း

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1